




Martinsgänse

Aufnahme Prang

Em November

Marie, hoiz mr tüchtig ei'!
 Derfscht mit Buachklötz heut schüra!
 Draußa isch es jetz am G'frierer –
 's goht halt en da Wenter 'nei!

's letschte Laub ischt von de Bäum':
 Standat do wia dürre Stanga,
 Ond dr Hemmel ischt vrhanga,
 Ond do bleibt ma' gern drhoim.

En dr Nacht hot's bis en d'Früh
 Grausig gstürmt ond d'Läda gschmissa,
 D'Äscht hot's von de Bäum' 'rag'rissa –
 Ond am Morga hot's nô gschnia!

Dapper siehscht em erscha Schnee
 Scho' am kleina Wäldle drüba:
 (Wia mit scharfe Nägel gschriebe)
 Von de Häse ond de Reh'.

Em November – guat isch sei'
 Do em warma Stüble drenna;
 's Herz au isch do schnell am Brenna –
 Marie, hoiz mr tüchtig ei' ...!

Wendelin Überzwerch